

四庫全書

史部

欽定四庫全書

欽定盤山志卷首四

天章三

駐蹕靜寄山莊侍

皇太后游覽即景

己巳

較園迴塞上取道駐田盤奉

養多方謹承

歡千里安山莊臨靜寄秘殿足遐觀扶

輦邀

慈豫稱觴對壽巒
窻開峰巒翠階繞
瀑淙寒豐歲餘清暇
吾心此暫寬

山居

山居隨意足清娛
底覺風光塞景殊
且喜樹姿猶張王
二字皆去聲還教峰色不模糊
道堪因契真佳矣
畫豈能工

有是夫髣髴翠微阿
那畔丹邱生在許
招呼

石林精舍

三間敞白屋萬笏列青瑤少坐消塵慮興言託朗霄天
花雲外落仙樂柏間飄不必天台畔依然過石橋

綠縵亭

霜間萬葉丹松下一亭綠往往動天籟絕勝戛哀玉長
烟斂寒空因之暢遐矚

夜雨

秋霖送響屋簷垂又值雲莊駐蹕時始信山靈不相讓
偏教夜雨卻稱奇

此次行圍皆於止頓日值雨故前有
塞雨又逢止頓日山靈有意示神奇

之句今駐靜寄山莊
又遇夜雨信一奇也度峰爛漫丹楓濯著壠縣芊綠麥

滋有喜無眠宵漏永近臣未許得全知

雨後

山容業已佳雨後越清整丹翠不一狀陰晴無定景徂
雲漸避風溫暾時弄影昨來誇嫩暄今乍覺峭冷理政
過亭午趁間登絕頂指顧俯千村蓋歲富萬井此雨復
知時可卜足餌餅豐亨敢即詡今歲屬天幸

得概軒

一谿一壑可標名，況復山軒架五楹。
每俯綠窻真得概，偶參白業有餘清。
隔牆鐘磬聞仙梵，寫嶂烟霞護玉英。
我豈軒轅能訪道，時因福地靜塵情。

新晴

新晴宿潤夫如何，添卻田盤景色多。
宇宙以來便有此，畫圖無數總輸他。
風前萬樹霏紅錦，霜後千溪斂碧波。
佳興紛投吟不盡，底須獺祭案前羅。

雲林石室

一笠敞石室四面延雲林愛此朴而野悠然靜以深風
樹有聲畫秋泉不操琴繩牀坐無斃藉用空去聲塵心

即景

夷峻築室道心清時有山禽三兩聲繞砌黃花秋未老
滿林紅葉日偏明石邊過雨瀑猶響松下無風籟亦鳴
暫向雲莊寄高躅漫同芝圃學長生

天成寺

兩峰排闥護祇園幽致番番入靜存會景飛窓吟據榻

吹風落葉眺歸根
秋深山色無踰秀
雨過溪聲尚解喧
猶喜閣黎不識字
梵天籟動貝為翻

萬松寺疊舊作韻

步步入幽奇
秋山訝改姿
徒觀無盡藏
胡迺太佳為
入畫筌忘矣
成詩壁勒之
千章翠雲幄
擇勝自張移

披戶一憑停
地靈無不靈
此翁猶矍鑠
惟我愛觀聽
風颺九韶樂
霜添萬嶂青
更疑蔥翠頂
仙藥育芝苓

盤谷寺

游山屬清秋秋光吟不足峰容秀以整樹態紅間綠攀
躋白玉梯偃仰青雲幄叶天成眇壺天萬松撫仙木遂
造盤谷盤宛探曲中曲武夷徒曾聞臺懷較知慙一窻
紫碧巖四砌萬金菊少坐便當去雲罩暢遐矚迴頭語
芟芻饒爾享清福

登雲罩寺定光塢

三度登穹塔

定光塔遠此蓋三度親涉其巔云

九秋縱遠觀目窮寥廓

外身在雲霞端鎮爾天籟發颯然衣袂寒宇宙渺無極

吾心與共寬

雲淨寺

招提據東嶺龍象演西天為要增山景非關種福田

是寺

為重修故云

堯峯含宿潤澄宇斂秋烟卻是初題句

去歲初到未曾

題句乾隆己巳年

少林寺

禪室坐清秋諸天雲上頭一心何罣礙萬景自紛投無暇搜佳句惟教紀勝游山莊看已近牆外石泉流

敬題壽萱堂

於山莊建屋一區為

皇太后臨幸憩息之所名之曰壽萱堂而題以詩

名山結構儼名園宜備堂闈奉

清溫塞上有松教傍鶴

熱河奉
之處曰松鶴

皇太后所居
齋近曾題句

山中無

草不成萱所欣佳景供

慈豫奚用雕甍更綺軒勝處文言難擬議仲長樂志已曾

論

池上居

田盤千溪萬澗不可數計然瀆湧石罅沙渚間或入地而伏流故不能匯而為池茲於山莊內相地之宜設法疊石為盆浦以灰築之儼成半畝之塘矣建屋其上輒成是詩

為愛空明與性便。廓池盈畝任方圓。半輪貯就清秋月。
一片圖將碧落天。屬我無心看澹澹。終朝盈耳聽涓涓。
會須育取成龍種。荇藻光中躍在淵。

書屋臨流坐卧便一泓恰對月窓圓源頭句詠朱夫子
池上居同白樂天畫本別教摹大匠詩筒頻遞走中涓
可知事在人為耳天半雲標自有淵

雨花室

林谷無過靜山房底用多翠霏峰四面青罨戶千螺門
外雜鳴雨崖間紛捲波那須天女散一室儼維摩

游東甘澗古中盤諸勝即景三十韻

前朝登絕頂已暢千里眺茲復值餘閒一盡谷中妙凌

晨視庶政批覽理京報日午凍雲晴山風寒不峭苑牆

出便門巖蹊取直道

叶

遂詣東甘澗三間栖遯廟香燈

祠變相戍削殊古貌小樓一俯視約略得其竅西甘澗
咫尺入望偶未到仍尋向來路盤迴度雲嶠松門界別
逕石闢開天奧蒙茸攀烟蘿詰屈窮水隩仄棧歷巖嶭
深林攘茂冒始過石橋北精藍喜親造外狹而中宏所
以他難較千金買勝事布施聊可數常輕福云種頗為
山僧調結構不更侈丹青已重耀

是寺亦
為重修

別室故精潔

秋老金英笑開窻縱遠目果愜心所樂東眠見滄溟一
杯誰可酌西睇指帝都萬情宣勝料近者高下峰摧萎
復窺篠紫翠纈此蕨卉歛奏堦窵是乃最佳處允宜智
仁好因憶韓昌黎馬秣車云膏真隱應在茲反悔向所
謂予初遊盤山作記以是山為隱者所盤旋而田疇之後無聞謂其絕少故云興盡歸山莊
西陽未委照際和偶懷紓稱豐戒叶滿名明朝駕言旋
勅幾勤體要

東竺庵

竺宇山凹道必經一區也足叩雲扃恰登雲罩尋歸路
僕役云勞得暫停

草亭十笏石為牆朴野天然古上方小坐試茶何不可
篆烟旋裊一爐香

已見花朝詩在壁甫過重九菊盈堦右軍序語解人意
向所俯仰堪興懷

望盤山口號

庚午

常時望見田盤翠馬上馳情得句頻一自山陽開別墅

較前情更十分親

秋日奉

皇太后駐蹕靜寄山莊

卜築敞雲扃無過數日停
由來治人者豈可恣吾寧
秋日烟霞潔仙山草木靈
以茲奉

慈豫延壽萬千齡

紆蹕駐山莊中秋過半強
林姿疎間密峰態翠含蒼
出峽泉猶壯度松風已涼
稍停謝公屐書史靜徜徉

寄題雲罩寺

盤山向我如無語我到盤山必有詩
舊歲登臨最高處白石綠字鐫清詞
今來游歌宿兩日高處風寒姑不必
倚窻逸興已遶飛又寄新題隣舊律
今今昔昔往復還阿誰心閒果是閒
詩成擲筆大笑道讓爾千秋占此山

錢維城遠澗泉聲圖

田盤構石室素壁著成圖映發山容秀
縈迴水態紆縱眸遙箔外側耳靜琴俱
畫境相參處難分殊不殊

松

枕石綠髮蒼顏是松不及此間求諸古人誰似黃綺合
在商山

雲林石室

詰屈蘭椒路轉通到來石室碧雲叢秋山留得夏山綠
柿葉先於楓葉紅千朵峰蓮入葱蒨四垂天蓋倚崆峒
鐫崖竭詠昨秋句依舊時光默會中

秋英

秋英頗耐寒山中顏色好
丁星泣露光綽約亂雲藻
蜩蝶大於掌栩栩幽叢繞
所遇非世間應是烟霞表
雙成在瑤臺千年不知老

半天樓

高處為樓號半天田盤萬
概覽都全設無奇句堪酬
景但是凡人便合仙東指
滄溟呼皓月北隣紫蓋鬱
蒼烟落來花雨渾無著卉
歛置風掃四禪

曉游天成寺

仄蹊曉露濕叢蘭秋半金風了不寒石抱土生奇樹瘦
逕穿雲出小天寬暗泉聲是東陽樂翠柏舞為瑤島鸞
不羨仙都結遐想每來初地愜清歡

西甘澗

迤邐盤蘚磴芬菲遞仙藥嶺復見雲關花宮隔絕壑風
旂自飄梵溪橋疑度索草菴已幽絕何必侈雁閣山僧
八十翁長跪進所作涉言即失之奚論意指錯石室倚
繩牀結攬興遐託雲漿列亦甘吾將事澗酌

東甘澗

西甘路轉即東甘問景聊耽古佛庵領要何須較冰水
紛投真是擁青藍崇情果契妙中妙禪悅那逢慙者慙

慙山為田
盤名宿

小閣開窻秋宇淨向來吟緒箇中涵

古中盤恭依

皇祖詩韻

聖日高懸紫蓋峰行秋駐蹕見

堯重闍黎七十能言舊方外還思

德有容

憩古中盤精舍

十笏纔強萬景收坐來斐几憶前游雲嵐朝暮無恒態
況是今秋與昨秋

林天石海自重重石罅霏天花紫茸風送入窻風拂去
維摩無著著何從

繚白縈青最上層鳥飛不到意俱騰自驚奇句從何得
隱有山靈導我曾

桂

垂垂金粟亞盆間
花信遲因待此間

今歲中秋桂
花始半放

半放

別來逢盛放
盤山卻幻作香山

望少林寺

半天樓上開窻戶
萬笏叢中望少林
雲際梵音常縹緲
松梢塏影自森沈
欣於所遇何空色
樂在其間足古今
笑我閒愁經半歲
何妨一晌空

去聲塵心

石林精舍

精舍四圍環石林既幽且樸靜而深室中虛白無他物
几上蕭閒蓄一琴是處暢觀頗役目此間閱景足澄心
何來椽子庭前落亂蹋枝頭歸晚禽

賦得山氣日夕佳

名山有靈氣日夕更清佳峰黛銜羲馭壺蓮報酉牌霞
烘雲態變靄送谷寒昏暝色蒼烟合林聲天籟諧暮鐘
來嶺寺歸鳥下巘齋五字柴桑妙悠然興企懷

夜雨

山中欲雨雷勢怒暝色合雲失巘樹北風始送涼絲來
倒井須臾簷溜注邇來午熱殊苦煩滌炎添爽欣清喧
蕎麥未刈菜在圃兼資樹藝利晚田我昨登山向南望
低田潦水猶滉漾佇待涸出播秋牟游興未抵心惆悵
嗚呼何時雨暘遠近時若慊吾心少雨即止毋為霖

晴

夜雨生涼喜快晴朝來天宇益晶明千峰日耀芙蓉色
萬澗泉流琴瑟聲蘿磴蒙茸含宿潤麥疇指顧事新耕

我原後樂先憂者不共幽人獨往情

池上居

竹柏妙神心山水樂仁智田盤蔚山秀合以水相濟飛
流有數派匯合入平地設法疊石岸為池半畝計荇藻
莖易滋鯉鯉族頗備其上構雲房屨石波心至澄泓協
靜觀天半滄浪意

登半天樓

三日山莊三度登坐來逸興總飛騰因知心是無窮蘊

怪底佛稱最上乘
瀏莅天風吹萬竅
傑池雲岫列千峻
於今始識田盤妙
拔萃鍾靈擅獨能

冷然閣

雲構據霞標
月天栖嶺複
此中亦何勝
千峰在吾目
谷口幽籟動
冷然吹髮綠
玉女洗頭盆
可以供濯沐
奚事羨禦寇
旬五勞僕僕

蟬

秋風太液已稀聲
何事山中復嘒鳴
應為重聽將隔歲

不辭鼓翼趁暄晴

攬雲亭

山莊最高處建亭名攬雲雲卻在足底把捉徒云云長
嘯倩誰答秋空惟碧旻

曉行

背指山莊碧巘塊田盤三日豫游迴前朝望處何殊勝
攜得新詩廿首來

駐蹕靜寄山莊

壬申

翠罕逶迤展謁還便經靜寄款雲關芳菲好趁三春景
刻削來看四面山未敢居崇事游逸聊因幾暇暢躋攀
清宵暫得塵心靜物理民情酌此間

不因日涉還成趣卻為山佳每竭來裴几宿緣竹書展
膽瓶清供杏花開能言春鳥呼名字罨畫林雲自往迴
天籟吹香如鄧尉誰能到此更思梅

山中

騁懷命筍輿點筆倚雲嶠石白無俗韻松蒼有古貌春

深峰翠遲風勁衣寒峭寥朗極遐觀籟奏蘇門嘯

半天樓望少林寺

雲構倚天幕霞標據月窻臨虛茲獨迴攬景信無雙
影林端矗泉聲澗底淙問伊茆屋下居士可稱龐

露坐

露坐盤陀松作陪嶢峰寄興凌崔嵬天風拂紙吹題句
疑有蛟龍陸地來

雲林石室

蘿徑延緣意入松扉窈窕神謀小坐還憑月戶忘懷如
泛虛舟庭前篆印鶴古階下琴調澗幽似干雲霄而上
宜遇松喬者流

得概軒

每到靈區意欲仙四鄰山秀望中全雲端曠奧軒疑畫
樹杪高低圍是懸巖柏翠常標古色林花放不入時妍
東坡大略觀無盡明月清風我與然

東竺菴疊舊作韻

嵐氣翦承貝葉經巖風謾護玉關扃
天龍卻掃維摩笑
延我雲房坐少停

隔寺春松翠出牆
四隣峰態映方博
山鑪是炎劉物
古佛前消一炷香

心機靜處峰當戶
耳觀清時泉繞堦
今昔何須叅歷歷
對山不異樂山懷

雲淨寺題句

禪關東竺東蹠馬路纔通嶺亘遙分谷
天高不礙風玲

瓏思雁墻寥寂守龍宮一室無餘物仙花落半空

少林寺

我愛田盤愜素懷叢林往往入幽佳鳥啼花落禪家旨
雲白松青靜者諧有所會心常命筆無多得句也鐫崖
山靈莫笑輕唐突會使羣峰一例皆

半天樓小憩

游山取適興興適薄言轉山樓近雲匡小憩聊復善卻
指向歷處林路依微辨將毋志近荒陳編一開卷

春曉

西魄未隱峰東暘剛出谷居山曉尚寒問景春已淑花
沐露濛濛草霏風馥馥倚楹旦氣清游踪漫追逐虛已
勅萬幾厘心籌五服雲罩鐘遲鳴山僧想眠熟

天成寺

澗道繁聲隱石泉寺樓據勝坐來便千行峰樹全標畫
幾個山僧不識禪入目景光渾似舊得心興會每殊前
題崖綠字烟蘿蔓此日拈吟復偶然

西甘澗

雲棧下石門風寒衣袂凜精舍縛茆為閣黎任高枕莊
嚴無餘物貝葉置諸品是為本色禪隨喜意愜甚地僻
泉亦甘可以酌而飲

東甘澗

座席飄來花雨香偶叅白業總雲房春翹饒有芳菲好
卻愛松陰滿院涼

古中盤放歌

穿石逕造盤之阻宜誰居兮化人所初極狹而中宏遂
暢觀而延佇春卉昌昌春山蒼蒼卉依山古山含卉芳
鉛華洗盡饒本色南國猶嫌時世粧去歲華山躋鳥道
一與田盤較媿好怪予到此又云云惟喜目前堪絕倒
嵐態峰姿無定則神心謀靜翻為役有時落筆數十章
有時一句渾艱得

雲鶴

雲鶴盤高空聲落半天中可聞不可見時或山中逢本

無稻梁求豈有矰繳攻馴鶴爾胡為鍛羽入檻籠飢飽
繫主人侮弄任奚童仰首望雲鶴何從較窮通志未慎
其始境安保厥終

竹

作友巖松靜且深因風戛玉復捫金數竿瀟灑意彌足
千畝何須憶武林

冷然閣

石詭松益奇山峻風偏峭披襟坐虛閣天籟動萬竅偶

此方外方究其妙中妙

雨花室雜詠

石磴攀蘿步入深精廬瀟灑晝沉沉不因詰屈逕千轉
那識高間一晌心

抱石孤松若箇栽翻濤謾掃香臺興豪擬問維摩詰
滿室天花何處來

構築無多足暢情一窻山翠映人清濛濛常自沾衣潤
又見春雲傍嶺生

虛齋四座靜無塵迭與名山作主賓箇裏叅禪真恰當
笑予不是得閒人

暖

清暉氣向融景淑古盤中染遍楊絲綠催齊杏蕊紅嵐
光方淡蕩雲影忽西東欲換春衫未還防松下風

千相寺

言入翠微峰遂造初禪地山深無不佳草廬亦可憩幽
芳吐瓶花古篆消香穗指揮開窻戶颯然清風至萬景

紛向叅一惟領以意

夜雨

山雲向晚生藹藹萬峰競入夜枕上寒淅瀝隔窻聽幽
響曲澗增潤意連林凝清切且無眠遙為三農慶

曉晴

曉晴山有態楚楚冶粧新已是明如畫猶然迴出塵潤
含林露重香遞埭風頻花騁春雲夢飛卿句果神

萬松寺

明發事清游石磴盤玉馬始出峭蒨顛原自青蔥下田
盤到處佳萬松我心寫寺樓坐空翠天籟披瀟灑揚馬
不能從迴顧和者寡

盤谷寺

雲罩猶天半鐘聲落澗遲稍留清蹕憩得句便前移

登雲罩寺定光塔作歌

雲山有神助會者得其宗團團瑪瑙盤中有一朶青芙
蓉無量壽佛卐字胸坐蓮花鬚者其壽盡與無量壽佛

同今日登臨亦如是稍涉言象究竟未離去聲凡夫踪歌
畢天風吹我馬隱有山靈謂我者何必更與六和報恩
較高下

上方寺

雲罩威紆石路盤上方始到愜清歡一龕古佛鐘魚寂
半榻天風衣袂寒奇句不期當境得好山常似逆人看
苾芻六度知初品道左殷勤冀悉檀

梵典施舍云悉檀
殷若六度中為第

一品也

題鄒一桂盤山圖

春雲欲出山濛濛
山乎雲乎將無同
變態萬狀難為工
若人意會神以通
烟嵐莫遁冥搜窮
妙解要在得其宗
奚問邱壑石與松
五日清游一覽中
扈蹕不孤冒春風
王洽潑墨應齊蹤

池上居

崇椒得稍平有水一池清
坐領滄浪意遠祛塵俗情
烟嵐朝暮出荇藻短長橫
飲鶴翩來去游魚結友生

靜寄山莊返蹕之作

田盤五日暢清游，餘興猶賒賞已酬。
古有名言戒忘返，我無他善勉先憂。
前旌高下徐盤騎，回首青葱尚注眸。
遇便重來緣路近，武林不比要詩留。

西嶺

西嶺盤之西，問景曾未經。
由茲至蟠龍，山名有行宮云近廿

里程。羊腸雖紆巖，跋馬由堪登。
拂曙披烟蘿，露濃花木馨。
雲罩莫衡高，巖松辨層青。
須臾海日出，玉柱標銅鉦。

放眼得奇觀萬象俱光明

駐蹕靜寄山莊題句

歲事別吉宮紆蹕駐仙境尋幽藉散懷即目聊探景今
年來兩度前度夢幻等可以悟空空何必猶耿耿冬山
露本色雪瀑垂峭冷謏謏聞松濤萬慮一以屏屬詠亦
已多茲遊欲靜領

欽定盤山志卷首四

欽定四庫全書

欽定盤山志卷首五

天章四

初自田盤西谷取道達靜寄山莊

癸酉

塞菟餘興託巖栖捷徑聊從西谷西怪石吹風驚欲墜
精藍寫霧忽如迷施檀空切居僧望

路過雙峰法巖諸寺率頽廢山僧頗

望鼎新云

列嶂新迎駐馬題疑是山靈酬始遇千峰晴晦幻

高低

登雲罩定光塔

鳴鞭西谷入雲裏行行雲盡居足底
窅堵猶在最高峰
進步竿頭應似此我來每度必親登
拾級不知勞屐履
春山澹冶秋山蒼所逢今日都過彼
滄滄靄靄復淒淒
蒼蔚氤氲更縻纒隱現樹色錯翠丹
變幻巒形紛岌叢
世界真似乾闥城雲海黃山兒戲爾
我聞佛說如是法
譬之乃如大雲起孰獅吼孰野牛鳴
調御默然天龍喜

駐蹕靜寄山莊

羣峰疊背玉嵯峨閱歲巖扉偶一過明月清風無盡歲
奇松怪石此間多村旁廩積覘農慶幾暇游觀樂物和
扈蹕詞臣漫呈頌矢音惟覺愧卷阿

對瀑

山罅亂泉多引之即成瀑愛此雲間聲築成石裏屋
澹近窻牖形容小珠玉濺冬豈知凝網月那可掬消此
片時閒孰不云清福

池上居

金石錄卷之五
卷之五
砌石為池上構居一泓襟袖攬如如石湍響答松湍靜
水鏡澄含月鏡虛舒卷天真任嵐靄飛沉自得樂禽魚
絲竿烟舫都無藉耐可空明意泛諸

晴

雲脚亂絲霏風吹散若飛千山開畫障一谷暖陽暉黛
色濃松磴泉聲壯石磯憑窻別生慰被隴麥滋肥

雲林石室

搏壁出蠶叢林齋有路通石當人面翠楓落樹頭紅惟

介方宜靜因虛益不窮昨朝凝望處原在白雲中

千尺雪

飛泉落萬山巨石當其垠匯池可半畝風過生漣淪白
屋架池上視聽皆絕塵名之千尺雪遐心企隱人分卷

復合巖在一三來賓

寒山田盤熱河西苑皆有千尺雪
各繪為四卷合巖而分貯其所每

坐一處則三景
皆在目中也

境佳泉必佳竹爐亦可陳俯清酌甘冽

忘味適契神披圖謂彼三天一何疏親

得概軒

因迴為精舍賅奇入曠觀真花斂風落畫樹久霜丹勝
概信稱得環山故曰盤一窻明日嫩靜坐不知寒

半天樓

崇椒延閣迴步步上丹梯月牖千奇入霞標萬象低吸
噓接顥氣視聽合天倪隱隱聞笙鶴常來此處栖

對月

盤中曾對月冬月今對初小春了不寒朗映襟懷虛山
木盡桂枝輪囷復扶疎漱漱石泉光魄影上下俱右丞

之所會昔見招裴書俯臨大野寬萬帳燈竿殊清光不
孤人爝火何為乎

天成寺

盤澗千迴嵐翠重到來古刹據芙蓉江山一覽仍憑閣
風日初晴正柏冬泉似袪塵常掛箔松如聽法擬降龍
小俄延復催歸轡清戀惟留雲外鐘

西甘澗

峰迴路轉澗泉潺山寺蕭條只數間隨分枕甘還漱介

便宜白足是高閒

東甘澗

一谷小春暖循西便至東野廬不成寺變相示真空登
閣聊乘興開窻不礙風誰家生色畫松翠復楓紅

古中盤

石磊千仞岡林疎一線天是中有佳處單騎相沿緣既
窮外狹得中宏紅牆纔見羅花宮初地未許容易到尚
步丹梯百十重調御對我無一語拈花似示真宗所旁

有精舍可周旋憑窻萬象紛來侶海氣翥匿襟袖間因
之飛興蓬萊山安期羨門至今在未改鶴髮青童顏劉
郎脫屣真癡情後來仙者何無名點筆欲辨滄桑事田
盤先生笑失聲

盤山迴蹕之作

五日少延留言旋啓蹕騶柏冬厓省歲忘返戒從流背
指雲峰寺遙循霜路郵前旬甘雨足麥隴綠針抽

靜寄山莊

甲戌

松塢雲莊迴絕塵無妨紆路駐鑾頻嵐飛生翠常疑雨
峰有真姿不藉春花未胎含因閨遲去聲蕪纔芽紐向陽
新圖書靜好當清暇汲古心知未逮津

韻松軒

風樹皆作聲四時茲不改何處而乏松名山松所在佳
會不常遇是吾所以乃謾謾雖無心落落若有待山中
今亦古人間春似海

對瀑

擘窠扁石鐫垂紳聲色不動惟天真分明畫錦記內語
中心藏之如此人

千尺雪

倚巖架白屋開牖臨清泉春半雪已消垂流尺計千一
二二而一圓方方復圓寓物陳至理隨會含神詮茗椀
不必試吾方意油然

得概軒

敞軒稱得概勝日欲賅春松色迎人翠峰容入戶新不

須花爛漫雅愛石精神與物欣芳節矧吾志體仁

暖

入山景物渾融和昌昌春緒來逶迤緋桃綠柳縱遲待
峰色泉聲漸已多封中出雲輕似波其上遙空矗黛螺
何當為雨潤新隴叱牛應聽農人歌盤之中盤之谷窈
窕而深繚而曲樂以天下憂以獨春風風人吾意屬

小石城

磊磊拳石無央數攢簇累積堅城固屹然壁立開闢來

世人安得知其故
荆凡得失紛經營
埤垓櫻守終誰成
烟霞乾闥此示幻
飛泉為塹松為旌
松籟泉聲相激越
楚南偶似非豪效
子厚離憂何有哉
石城同一滄桑閱
婉孌草堂

是處面臨石城背
枕雪瀑烟霞蒼蔚
之狀與泉石相問
答山莊最佳處蓋
不一二數屋中適
張董其昌婉孌草
堂圖真蹟輒以名
之

奇境每與秘時為
幽人開我雖憂勞
者亦有烟霞懷枕

漱寄遐託溪山期靜諧香光圖婉變同然先得哉名相

天下公會者任取裁識此慕藺心企彼希李材

其昌識語有希

李營邱之意

半天樓

肩輿徐陟衆峰巔恰得橫樓號半天不盡崇懷期太古
自然迴句會當前松稱無改春偏態竹不多情月亦娟
卉歛仙風吹萬慮祇饒鐘韻隔雲傳

雲林石室

石出壺天寬林開精舍迴嵐靄朝暮變松石今古永依
階有綠苔問樹無紅杏春遲故自可聞之惜分景

天成寺

雙峰闢天關一逕入雲路尋奇紛彼新據座原吾故澄
思會理趣即境摘藻句開窻寒料峭眺景春流露無為
憶向來恍可欣始遇

惜松歌

萬松寺以松得名去歲蠹蝕松葉頓非昔觀詩以

惜之

兩年不到萬松寺
曉春乘興今來偶
盤龍踞虎縱好在
鬱翠流腴較昔醜
僧云去歲即生蠹
所以蒼株半枯朽
佛泯生滅付不知
山無愛憎誰任咎
吐哉成形壞亦隨
榮譽已當毀應受
不然山靈厭客來
示盡枯禪以寂守
木本先腐蟲生之
疑增詎在碎玉斗
植中壽客乃如斯
不如斯者今知否

盤谷寺

隔嶂便欣松遑劫

萬松與盤谷只隔一嶺過嶺而松翠如昔蓋地氣使然云

得門還

禮佛留真一窻碧岫經年古四野油雲釀雨新目色耳聲無盡歲退之李愿兩前人更瞻

聖藻輝巖穴石火流陰五十春

是寺鐫康熙四十四年皇祖賜寺僧詩

登雲罩定光塢作

平陵絕頂栖花宮詰曲雲逕盤巖松金輪月相此常住似說法華垂真宗五體投地大樂說忽瞻寶塢湧出層霄中十方如來迺恒河沙數彈指來聚一朵青芙蓉佛

云開塏事如是塔中如來為分半座同我時忽忘登臨
凡幾度惟聞梵網寶鐸錚錚落落鳴天風

上方寺

路便思清憩禪房倚石幽松端寒籟泛澗底嫩泉流雲
幻晴兮晦山常春復秋迴瞻定光塏真擬碧霄游

山行即景

泉帶東西自高下山分向背變寒暄田盤四面皆方正

拱極都環紫蓋

峯名 尊

但看松姿皆入續不須花發始吟春侍臣攜有清華侶

詩畫兼能為寫生

攜董邦達來今為田盤
全圖兼欲修新志也

奇峰不礙玲瓏影古寺真如委宛藏也覺吟懷無乃放
大都熟處未能忘

飛泉似掛古松梢雪練寒濤自磕敲釀作春雲剛滿谷
頓希為雨潤東郊

晴

雲容纔作勢風力與之乖也識東郊潤終惟時雨懷昌

昌露春脚謾謾響松釵若論看山色晴明自是佳

曉

遠墅聞雞鳴澹蕩春山曉西宇掛銀蟾東巒吐朱鳥盎
然一谷暖山禽啁疎篠物華縱未酣韶意惟斯好契理
待萬幾運神籌四表

池上居漫作

宛在一泓春水新樂天先我得其津長篇安貼都言盡
率易由來未易臻

莫道山中無綠舫臨池也有受宜居米家書畫相衡較
嵐靄烟波未此如

千相寺八韻

蒼巖路轉東初地翠雲叢既狹始開豁當前悟塞通逃
禪孰龍象訪道豈崆峒自是乘春興聊因識化工鍾靈
山有獨資治物惟同最愛苔皴綠未須花放紅遐思碩
人軸且憩梵王宮相好雖千億根源蔽色空

偃松歌

飛空忽見垂蒼龍其上無雲惟碧峰之而押搗弄光怪
李老子兮黃石翁根不土胎性不屈盤盤挿壩滷蔥鬱
譬如商顏肥遯流老而益腴卷綠髮春風秋月田盤山
鶴鳴鹿旅太古間大椿扶桑此其侶大夫受號嗟赧顏
東坡偃松斯鼻祖成形疑是元黃剖今日應作如是觀
公孫大娘劒器舞

翠市亭六絕句

傑池列林扉拍湏鳴石激是宜引思紛而益令神寂

笠亭纔四柱萬概叅於前小坐衣袂冷仙風下綠天
陡壁不可登吾意與之上白雲阿那邊佳喬期來往
嵐靄無定態松石乃益奇箇當忘言詮誥誥復奚為
土斷石壁立磊磊雉堞橫問從誰假借柳州小石城
山莊駐五日林亭登一度卜築亦何為自問不解故

山莊西崦人家

茆屋高低外植援田收餘粒育雞豚惟勤耕績終年計
不解詩書涉世論束帛蒲輪羞隱逸瓦盆柿酒長兒孫

經過每為輕輿駐質樸風猶太古存

千尺雪再成

前朝含凍雪猶白今日舒絲柳漸青了識如斯在川上
流陰未肯為人停

旬澹流離瀉復瀉聲難為狀色難形三間板閣虛窻靜
只合忘言注水經

熱河西苑及東吳到處風華具四圖試問得無紛色相
宦光應道豈妨乎

再疊前韻題唐寅品茶圖

非關陸羽癖分茶偶試原欣沃道芽瓷椀筠爐值茲暇
田盤春色正和嘉

題董其昌婉孌草堂圖

草堂本自寫崑山真跡誰教落此間名相由來無定著
婉孌恰喜一般閒仲醇元宰交情厚李氏郭家設色艱
我獨曹風憶彼美楚騷一例詠叢菅

命蔣溥汪由敦董邦達修盤山新志即今入山游

訪既畢事詩以示之

親切名山全體圖舊乘檢校正乖誣名賢勝蹟思傳誌
其不傳能誌取無

石林精舍

春松翠欲翻古石飛疑墜允宜風月佳未許桃李廁欹
案讀典墳羲皇興企思

雲淨寺

尋春喜晴和入山窮窈窕陽巘已綠縹陰雪猶白晶雲

淨佛所都青蓮色相表盈盈功德泉身心一以澡載登
度經閣萬慮澄三藐迴望向來途深雲不可討

東竺菴見杏花始開

日日盼花開花開迺在此不藉女夷權應是天龍喜竺
菴谷向陽條風掞昌蕊爛漫亦底須瀟灑真佳矣佛笑
物皆春當前悟妙旨

少林寺

精藍盤谷口縱望納徐無萬里太行麓千年雙檜株

寺中

兩檐最古蓋
千年物也

稍停叅淨業隨意作清娛得句還前進名

山寧可孤

古中盤

盤之中造盤之阻綠嶠嶢隱青蓮宇到來精舍據其巔
春靄山雲互吞吐老僧面比瘦石枯南宗棒喝全茫乎
住山卻是本來相何用誦誦辨有無松籟澗琴皆淨致
一窻延得千峰翠巖花放不入時妍由來物各從其類
仙風謖謖吹我裳便尋歸逕我馬黃乘興應留興不盡

偶游亦塵游無荒

冷然閣


巖樓倚半空月宇納天風
攬景真無盡會心迥不同
石泉銀瀉峽蕙草綠抽叢
壺裏年常靜人間春漸融

雨花室

三春臨靜寄五日作清娛
每到吟將遍茲來興復殊
交窻嵐影翠入座柏陰孤
試問維摩詰斯還著也無

盤山啓蹕之作

言旋清蹕別山莊五日春游毋迺長知爾何須亟來往
於斯未可久徜徉迴瞻雲罩中天直取近西盤十里強
詩緒紛投吟不盡名山二酉慙教藏



欽定盤山志卷首五

欽定四庫全書

史部

欽定盟山志卷一

二

詳校官太僕寺少卿_臣李廷欽

編修_臣程嘉謨覆勘

總校官編修_臣王燕緒

校對官編修_臣吳舒惟

謄錄監生_臣薩龍光

繪圖謄錄_臣孫大儒

欽定四庫全書

欽定盤山志卷一

圖上

盤山總圖

行宮全圖

御定內八景

靜寄山莊

太古雲嵐

層巖飛翠

清虛玉宇

鏡圓常照

衆音松吹

四面芙蓉

貞觀遺踪

御定外八景

天成寺

萬松寺

舞劍臺

盤谷寺

雲罩寺

紫蓋峯

千相寺

浮石舫

欽定四庫全書

欽定盤山志卷一

圖考

周官職方氏大司徒掌土訓之地圖天下險要阨塞具焉後世工畫者逞逞模寫山水及宮宇之制非僅備觀覽而已將以辨脈絡正方位也盤山舊有圖舉大勢於尺幅簡率已甚今茲繪事有總有分以

行宮為標準而內外諸景暨峯巖寺觀之著名者以
次布列復為說以考證之清華水木造物闕此奧
區蒸蔚雲霞

盛世彰其嘉應諸臣幸際承平共肆蒐討拜手登諸
秘府於前代所傳圖籍稍足增益其未備矣



盤山全圖





盤山全圖

易曰艮為山又曰艮東北之卦也故崑崙墟之脈
北出而極於東蜿蜒旁薄萬有餘里迺蘊靈鍾秀
於長白諸山為

國家肇基王迹之地其在河湟以內者自岍岐至於
太行如脊隆起而放乎遼海

神京億萬年之屏衛於是乎在盤山固發脈於太行
而畿左之名勝也古名四正山或曰徐無山高二

千餘仞周百餘里遙望之渾然如一峯壁立薊門
蒼翠插漢而雄厚博大首尾結蟠陟其絕頂長城
若環堵然北紀諸山繇亘天際咸瞭然指掌中中
有三盤五峯諸勝如蛇縈如蠶攢如層華吐萼怪
石林立不可名狀古松迸其罅幽草綠其趾泉淙
淙穿竇出循谿歷澗注為潭渚為池窅然深曲迴
出塵界昔為田盤先生田疇所棲隱今則多演佛
說之廬晨鐘夕梵遍滿丹崖翠岫間遊者延緣石

磴上下蒙翳轉入轉深不辨所出其能窮極險峻
繞其腹而躋其巔者鮮焉粵自


金根屢賁靈境日開

特發內帑營建別館山水得位置之宜土木無雕飾之
費

天章炳煥雲物為之改觀諸景之天成地設若見若隱
於向時者今皆收諸几席之下毫素之間矣考自
昔圖經自五嶽十二鎮之外苟非耳目所及雖有

神異聳拔可與嶽鎮競秀者止存髣髴莫悉形容
况茲山之幽靚深藏最為後出哉茲標舉大凡為
總圖高列雲峰旁分泉壑陰陽向背盤旋曲折之
體勢略如聚米畫沙不特以備選勝者之披覽亦
以見茲山之獻奇呈秀於太平有道之世而與宇
內諸名山相照耀者其靈氣足以興雲雨其形勝
足以資拱護云爾

行宮全圖





行宮全圖

盤山之有

行宮經始於乾隆九年先是臣工上言薊之盤山為

鑾輿由山海上

陵寢之道

聖祖仁皇帝四次臨幸

睿藻留題樹石蔚然增秀比來山農野叟莫不額手傾心

就瞻

雲日宜創築

殿宇以為歲時駐蹕之所

皇上俞其請飭將作庀材鳩工告成不日地居山之午
方前岡如屏後嶂如宸自玉石莊迤邐東達於繚
垣之南偏垣壘以文石周遭十餘里隨山逕高下
為紆直澗泉數道流垣內雪濤濺躍自高處奔注
山下設牖以時啟閉林開麓斷地勢高敞宏闊直
廬環翼中崇閤飛甍正位而向明則

行宮在馬廐門數重循磴上盤旋往復以抵山之深處碧瓦鱗鱗然與懸崖削壁相間


御題八景洵足舉其勝概矣茲山峯巖之巖嶭澗壑之清幽林木之蒼鬱秀出北戒而勝蹟遺踪往往在煙雲變滅中數千百年來祇以供遺世之士與夫衲子道流之閒居而靜觀固疑乾坤靈淑所融結發之不盡鬱積而有所待也自

帝居特起燦日月而輔風雲望茲山者幾如三島閬苑

可望而不可即而

宸遊所屆松雲棟牖間自足陶冶元化抒寫太和彼甘
泉之賦九成之頌徒侈一時之盛事者烏知林聲
山色可以作笙簧錦繡觀而仁知之樂又有會心
不遠者耶

静山莊





靜寄山莊

行宮以靜寄山莊名崇儉德也

皇祖時築山莊於熱河以避暑不雕不繪得天然之勝今
茲縱廣不及其半而朴畧如之於山前平敞處建
殿庭為班朝聽政之位


御題曰知仁樂處其東喬林交蔭希見曦景有齋曰松
巖寒翠羣臣燕見處也又東為鏡瀾亭臨大澗澗
中水石盪激常作殷雷聲虹梁跨其上踰橋東北

折舉步漸高登山之路於此始焉山以靜為體人
心亦以靜為體

聖人首出庶物主靜立極

時巡餘暇寄意林泉猶兢兢以此自持此中境界宏深
足令大地河山都歸涵照不獨山間雲物依然具
太古氣象已也

太古雲嵐





太古雲嵐

觸石膚寸之雲杳靄極於霄際瞬息之聚散昕夕之吐納四時之氣象自鴻濛以迄今茲變幻靡盡而處乎靜以觀至變而有不變者存焉山椒拾級而上地曠而見遠為穹宇複閣

御題曰太古雲嵐

幾暇澄觀若琉璃巨海光照一切矣西有軒曰引勝齋曰暢遠樓曰接要樓後又有軒曰韻松迴廊四周


檐牙相接皆

宸遊常御處也其東結構宏敞曰壽萱堂為奉

聖母臨幸憩息之所晨昏問視跬步可達啟牖而佳氣入
捲幄而暖翠浮

宮庭樂事悉見歌咏當有五色雲光遍滿擁護與茲山
並壽億萬禩矣

層巖飛翠





層巖飛翠

盤之為山外斂而中舒巒重嶂複步步入勝讀昔
人諸游記大都以奉使乘傳延緣濃翠間未移寸
晷輒驅馬去之所得不過十一二洵乎乾坤靈窟
不欲作人間耳目近玩矣

文囿初闢於山之額疏剔得異境焉營殿宇亭榭以
時游觀諸巖岫之層疊而上際青冥者如雲之垂
如濤之湧如騏驥之馳驟而勒其首離離蔚蔚窮

妍極態而丹葩碧蕤復蒙幕於嵐光煙靄中以佐
其幽致

御題其所曰層巖飛翠而無窮景色於是包舉焉中有
澹懷堂堂之西有樓曰擷翠閣曰雲起皆高夏可
臨眺繞荔垣之後石徑相接綠縹亭石林精舍各
因境得名蘊奇延秀固清都之曲室也

清虛玉宇





清虛玉宇

天為積氣地之上皆天也況山之峻極拔塵土而
逼穹霄昔人所云呼吸可通帝座者不其然歟

行宮東少北為清虛玉宇有門有廡正中構傑閣體
勢正圓以示崇效之義道家之言天語涉元妙而
天帝之號著於禮經儒者類能詳究之其理自非
妄託惟茲凌虛縹緲之境日月朗照萬象在下佳
氣氤氲出納於珠網綺疏間常有羣真環衛絳節

來朝中天積翠之賦固不足方茲宏麗矣

鏡園常照

卷之二

卷一





鏡圓常照

盤山昔多隱淪自唐以後遂為大德道場智燈法鼓流傳日盛巖凹澗側皆建寶坊

皇上性體圓覺貫徹人天謂釋氏之教可以振拔羣迷利濟衆生與治道有所佑助爰於

山莊之西得概軒之前整飾梵宇門榜曰笠招提殿額曰鏡圓常照以奉覺皇非區區福田利益所可同日語也夫昔之讚般若者以雲霞為供養以巖

石為徒侶以水月天雲為法相則此晨鐘夕唄直
可作祇園鶯嶺觀矣心鏡交光悉知悉見游於方
之內者烏足語此中境地也耶

衆音松吹






衆音松吹

盤泉之水演迤而下趨其南為小石城婉孌草堂
適介其間堂之東亭宇翼然實先堂而築以當諸
景之會曰衆音松吹蓋石無聲也泉觸之而聲怒
則雷霆砰擊震動山谷及其匯為平池潄為曲渚
泠泠然如八音之繁會而松之叢生於巖巔澗底
者風過之輒作幽韻與清流相和答昔人所稱盤
山三勝於此可盡得之

宸遊怡暢屢見吟咏正如鄜善長所謂竹柏之懷與神
心妙遠仁智之性共山水效深也與此景相毗連
者曰翠帟亭曰清嘯亭曰松湍流韻皆在喬林深
蔭中別具幽靚之致

四面芙蓉






四面芙蓉

山之幽絕處一澗一石皆足濯盥坐卧流連永日
要其體勢方正脈絡迴環諸巨峯自中央而達四
維與清涼五臺爭雄長其間岡巒起伏蒼翠相屬
升高望之無不奮迅騰湧而出靡所隱蔽此四面
芙蓉之所以名亭也亭與霞標亭相望崇敞洞達
當林霏乍開景物澄霽羣峯如華萼之敷光景溢
目應接不暇

天藻丕宣能令山開生面初日芙蓉之喻固未足以盡
其妙已

貞觀遺踪





貞觀遺踪

有石在南澗濱色潤而質瑩縱可五六尋衡倍之
實一石以凹凸分為三於平坦處結亭蔭喬木而
倚巨巖境最幽寂相傳唐文皇東征暎甲於此

御題曰貞觀遺踪千載上雄心遠略此石所以志也石
迤下欲盡處橫亘若檻然萬壑奔赴之水至檻內
勢益怒則踴躍砰擊而出跳珠噴玉下注深潭

宸遊作記比之寒山千尺雪遂以為名

天翰並摹刻崖壁築宇於泉上相面勢為高下雲窻霧
寮宛轉相屬水聲潺潺與虛濤清籟旦夕入聽山
中泉石相遭之勝莫與此絜矣

天成寺





天成寺

盤山諸寺大半以險得幽游者必披叢莽或崖懸
壑絕絕而可至其路稍坦而境絕勝者為天成寺
沿歷坡間行者忘疲峯轉境拓飛甍出於樹杪為
寺門之樓顏曰江山一覽可登眺凡巖岫之羅列
林麓之映帶於山之陽者纖悉靡不呈露內為佛
殿金碧煥耀背負翠屏旁臨澗泉步步引人入勝
矣


輦路由蓮花池而上可三里許每駐

蹕茲山率先至寺故

御製詩篇視他刹尤富焉

萬松寺





萬松寺

盈山皆松也松之性得土而悅得石而奇土石相錯則蒼茂夭矯兼擅其美矧泉流之激蕩煙雲之繚繞歲月滋久靈氣盤鬱其體幹又非擾龍偃蓋諸名狀所能盡耶寺在舞劍臺之東本名衛公菴後拓而新之

聖祖屢幸

賜顏萬松蓋紀其實且以標一山之勝也石甃數成崇櫺

四注宏麗中饒清幽之觀循磴入寺寒翠侵衣
簫籟交作恍置身清涼佛境泰山之所植天都之所
長又不可同年語矣

舞劍臺






舞劍臺

盤山五峯昔稱五臺其西臺即唐李靖舞劍處也
衛公以雄才偉略佐唐家有天下嘗登此臺臺高
平無所蔽天風吹衣白日朗照塞垣遼海之形勝
歷歷在指掌間宜當時擊劍長歌慨當以慷盡露
英雄本色千百年後石色泉聲凜然作風雲氣
翠華莅止披圖道古想見頗牧之為人斯亦異代之
知遇也

盤谷寺





盤谷寺

以盤名山而谷居盤之中尤稱幽阻蓋昔隱士之所棲止也人往而路第

國朝僧始闢地以建寺

聖祖錫額曰盤谷以復舊稱寺從石門入蹊徑縈繞花木
踈扶諸泉漣漣俱流入青溝溝之側有巖有坳有
阪而阪尤勝植杏萬樹春花齊發望之若紅雪寺
中有堂有軒與磴道為高下

六龍乘令來游來觀向之松崖蘚壁俱煥

天章懷高隱之清風撫遺踪於耕釣恍若其人在焉呼
之欲出矣

寺單雲





雲罩寺

游田盤而不至舍利塔不足以盡山之勝塢峙挂
月峰路由雲罩殿左磴緣壁如棧老松出嵌巖其
奇者迺如青鸞之舒翼登其巔俯視四極蒼然一
色山川雜陳細瑣莫辨世外巨觀也寺中景物幽
靚魚板清肅古德之所過化高僧於焉習靜時有
雲氣生檐宇間遙望之若萬疊波濤滾滾無際雖
岱之雲臺黃之雲海無以踰此況數十年來

翠輦時臨

天章疊貢更足令山色嵐光益增氣象耶寺後有峰曰
自來與挂月接舊有無梁殿址其所見與挂月益
相類云

紫蓋峯





紫蓋峰


名勝志稱盤山之奇特首標紫蓋蓋薊門諸山以
雄厚勝而不足於秀澤茲山獨立一格外若韜晦
入其中疏峰列嶠繞翠縈青如菡萏之數榮而紫
蓋為之苞也圓峭矗峙旁無附麗不必與諸峰爭
奇競巧而體勢尊嚴儼然華蓋之中天諸峯帖帖
若衛若朝矣居人又稱為中臺且云為盤諸剎龍
脈所發信然

千相寺

金刀比羅宮

卷一





千相寺

華首觀化應真著蹟是處有之而此寺獨以千相
名者相傳有尊者於巖下澄泉見千僧洗鉢因構
精舍旋刻崖石具儀相略如所見之數事雖涉幻
異而奔走瞻仰者遍十方界恍若伽那石窟中留
影光亮矣寺去麓可三里許緣巖崎而上長松夾
道作虬龍形殿宇整潔明僧憨山曾遇隱士於寺
後之石室今稱契真洞旁近巖岫俱嵌空窈窕固

皆當時晨夕經行地耶搖動石亦奇然他處間有
之以為敬信所致則類假託矣

浮石舫





浮石舫

圖經稱四正山蓋言山形迴合如城郭也其中奇峰怪石如刻如塑或以形體或以禽獸或以卉木或以器物屋宇隨象立名不勝圖繪矣浮石舫在上甘澗東北峯頂石勢如萬斛巨艦雲氣晨夕出山腹浮浮欲動有乘風駕濤之勢意有太古神人凌灝氣游太空而來集於此乎靈幻成象造物何心世之庸夫俗子輒相與傳會假山靈姓氏以迷

或視聽者所在多有茲地以稍僻故不受矯誣夫
亦山靈之厚幸歟

欽定盤山志卷一